

Na osnovu Odluke Uprave JP „Međunarodni aerodrom Tuzla“ d.o.o. broj: 01/I-444/16 od 06.05.2016.godine, Uprava JP „Međunarodni aerodrom Tuzla“ d.o.o. objavljuje:

JAVNI POZIV
za dostavljanje ponuda za isporuku goriva za mlazne motore tipa JET A1

I PREDMET JAVNOG POZIVA

Predmet javnog poziva je prikupljanje ponuda za isporuku goriva za mlazne motore tipa JET A1 radi potpisivanja ugovora o kupoprodaji istog.

Gorivo za mlazne motore tipa JET A1 koje je predmet ovog javnog poziva mora ispunjavati jedan od slijedećih standarda ili specifikacija:

1. UVJETI KVALITETE AVIONSKOG GORIVA ZA ZAJEDNIČKE OPERATIVNE SISTEME (AFQRJOS), UOBIČAJENO POZNATI KAO ZAJEDNIČKA LISTA PROVJERE SISTEMA SNABDIJEVANJA AVIOGORIVOM, ZA JET A-1, zadnje izdanje; ili
2. AUTM - Američko Udruženje za Testiranje i Materijale (ASTM - American Society for Testing and Materials) Specifikacija Standarda D 1655 za avionska turbinska goriva JET 1 / JET A-1, zadnje izdanje; ili
3. Standard Ministarstva Odbrane Velike Britanije DEF STAN 91-91 avijacijsko turbinsko gorivo, "Tip Kerozin", Jet A-1, zadnje izdanje; ili
4. IATA Smjernice za korištenje specifikacija za Avijacijska Turbinska Goriva, Jet A / Jet A-1, zadnje izdanje, ili
5. Specifikacije Kanade Can/CGSB-3.23-97, Avijacijsko Turbinsko Gorivo, Jet A / Jet A-1, zadnje izdanje

II PRAVO PRIJAVE NA JAVNI POZIV:

Pravo prijave na javni poziv imaju sva pravna lica registrovana za obavljanje djelatnosti prometa gorivom za mlazne motore tipa JET A1.

III SADRŽAJ PONUDE:

Ponuda obavezno mora sadržavati dokumente kako slijedi:

1. Prijavu na javni poziv sa osnovnim podacima o pravnom licu (tačan naziv, adresa, sjedište, ID i PDV broj);
2. Ovjerena kopija Izvoda iz sudskog registra ili dokumenta koji je ekvivalent izvodu iz sudskog registra kojim se dokazuje da je ponuđač registrovan za obavljanje predmetne djelatnosti, a koji ne smije biti stariji od tri mjeseca, o svim bitnim elementima i podacima o registrovanoj djelatnosti koja je predmet ovog javnog poziva.
3. Izjavu ovjerenu od strane nadležnog organa kojom se ponuđač obavezuje da će JP „Međunarodni aerodrom Tuzla“ d.o.o., ukoliko bude izabran, dostaviti bezuslovnu bankarsku garanciju u iznosu od 440.000 KM za uredno izvršenje ugovora najkasnije u roku od 5 dana od potpisivanja ugovora.
4. Izjavu ovjerenu od strane ovlaštenog organa o prihvatanju uslova navednih u KRITERIJIMA ZA IZBOR NAJPOVOLJNIJEG PONUĐAČA tačka 2. do 7.
5. Obrazac potpisan i ovjeren od strane ovlaštene osobe sa ponuđenom cijenom iz kojeg moraju biti vidljivi svi sastavni elementi cijene kako je traženo tačkom 1. KRITERIJA ZA IZBOR

NAJPOVOLJNIJEG PONUĐAČA. Obrazac za cijenu sadržan je u prilogu ovog javnog poziva - Prilog 1.

6. Potvrda o realizaciji najmanje 1 ili više ugovora o isporuci goriva za mlazne motore tipa JET A1 na međunarodnim aerodromima u količini od minimalno 3000 tona na godišnjem nivou u prethodne 3 godine (original ili ovjerena kopija ne starija od 90 dana računajući od trenutka dostavljanja ponude).

Potvrdu o realizaciji ugovora daje druga ugovorna strana (međunarodni aerodrom) i ista mora sadržavati slijedeće podatke:

- a) naziv i sjedište ugovornih strana ili privrednih subjekata;
- b) predmet ugovora;
- c) ugovorene količine;
- d) vrijednost ugovora;
- e) vrijeme i mjesto izvršenja ugovora;
- f) navode o uredno izvršenim ugovorima.

IV KRITERIJI ZA IZBOR NAJPOVOLJNIJEG PONUĐAČA:

1. Najniža cijena po toni čiji elementi moraju biti razloženi na način kako slijedi:
 - a) cijena goriva za mlazne motore tipa JET A1 prema Platt's (FOB Med Italy) kotacijama na dan dostavljanja ponude
 - b) marža ponuđača

NAPOMENA: Ponuđena cijena može se mijenjati za vrijeme ugovornog odnosa. Promjenljivost cijene odnosi se isključivo na tačku a) uz obavezu ponuđača da uz svaku promjenu cijene dostavi iznos kotacije Platt's (FOB Med Italy) na dan otpreme iz rafinerije a prema ugovorenoj formuli cijene sadržanoj u obrascu za cijenu - Prilog 1 ovog javnog poziva. Element cijene pod b) za vrijeme trajanja ugovornog odnosa je nepromjenljiv.

2. Rok isporuke 12 do 24 časa od momenta prijema narudžbenice.
3. Rok plaćanja - prema dogovoru
4. Mjesto isporuke - maksimalno na udaljenosti 350 km od JP „Međunarodni aerodrom Tuzla“ d.o.o., Gornje Dubrave bb, 75 270 Živinice.
5. Ukupna količina je cca 250 tona mjesečno.
6. Ponuđač se obavezuje da će JP „Međunarodni aerodrom Tuzla“ d.o.o. svrstati u „prioritete“, što znači da će u svakom momentu biti u mogućnosti odgovoriti zahtjevu ugovornog organa za isporuku goriva za mlazne motore JET A 1 kao i da će vršiti nesmetano snabdijevanje u bilo kom trenutku nezavisno od situacije na tržištu.
7. Ponuđač se obavezuje da će tokom primjene ugovora, ugovornom organu vršiti isporuku goriva za mlazne motore JET A1 u skladu sa standardima i specifikacijama navedenim u ovom javnom pozivu i priloženim certifikatom o kvalitetu goriva.

V DOSTAVLJANJE PONUDA/PRIJAVA

Zapečaćenu (zatvorenu) ponudu sa potrebnom dokumentacijom, sa naznačenom punom adresom ponuđača (na poledini omotnice) uz naznaku „NE OTVARAJ - PONUDA PO JAVNOM POZIVU ZA ISPORUKU GORIVA ZA MLAZNE MOTORE TIP A1 “ dostaviti putem pošte ili protokola na slijedeću adresu: JP „Međunarodni aerodrom Tuzla“ d.o.o., Gornje Dubrave bb, 75 270 Živinice.

Rok za dostavljanje ponuda je: **13.05.2016.godine**

Neuredne ponude kao i ponude koje pristignu nakon navedenog roka neće biti uzete u razmatranje.

VI OSTALE INFORMACIJE

JP „Međunarodni aerodrom Tuzla“ d.o.o. ne snosi nikakve troškove ponuđača u postupku javnog poziva, te zadržava pravo da prihvati ili odbije svaku ponudu, poništi oglas ili odbije sve ponude u bilo koje vrijeme prije sklapanja ugovora i pri tome ne snosi nikakvu odgovornost prema ponuđačima niti je u obavezi objasniti takve odluke.

U cilju eventualnih razjašnjenja i nejasnoća iz ponude mogu se pozvati određeni ponuđači da u toku razmatranja ponuda, a prije donošenja konačne odluke o izboru najpovoljnije ponude daju dodatne informacije u vezi dostavljene ponude.

Prilog 1

OBRAZAC ZA CIJENU

Naziv ponuđača _____

Ponuda br. _____

Redni broj	Opis robe	Jedinična cijena goriva po toni za mlazne motore tipa JET A1 prema Platt's (FOB Med Italy) kotacijama na dan dostavljanja ponude (a)	Marža ponuđača po toni (b)	Ukupna cijena (a+b)
1	Gorivo za mlazne motore tipa JET A1			